

大慧普覺禪師雲居首座寮秉拂語錄卷第

九

徑山能仁禪院住持嗣法慧日禪師臣蘊聞上進

說九

秉拂僧問萬鍛爐中鐵蒺藜當塗佛祖不容
伊而今信手拈來用未審如何話此機師云
沒這閑家具進云只如廣敷此座是閑不閑
師云觸體粉碎不知痛進云可謂鐵鞭指出
胡人路拗曲由來爲後人師云鐵蒺藜在甚
麼處進云拶師云笑殺衲僧乃云夷門昔日
呈家醜拈出無邊栗棘蓬今日甌峯孤頂上

幸然無事又相逢相逢即且置其中事作麼
生若有人道得一句便請各自歸堂若道不
得打葛藤謾諸人去也諸佛未出世時有即
今巴鼻一人人頂門上輝大寶光出世後消
息全無一箇箇腳跟下縱橫十字有佛處不
得住無佛處急走過拶著不來三千里外穿
却鼻孔到這裏直饒置無邊刹境於一毛頭
說九
上只這一毛頭從甚麼處得來納百億須彌
盧於一粒粟中只這一粒粟又向甚麼處安
著如是則易不如是則難休於言上覓莫向

意中求如是則難不如是則易識取鉤頭意
莫認定盤星衲僧拄杖子拈得便行切忌向
平地上釘椿搖艤所以道神光不昧萬古微
猷入此門來莫存知解只如一大藏教說權
說實說頗說漸說有說無乃至西天此土諸
代祖師古往今來一切知識種種言語種種
作用且道是知解耶非知解耶若定奪得出
秉拂上座一場敗闕若定奪不出潑第二杓
惡水去也喝一喝云是甚麼有照用無向背
只許老胡知不許老胡會睦州一向擔板趙

州貴買賤賣獨有三聖瞎驢至今遭人笑怪
須彌山突出諸人額角邊大海水灌入諸人
鼻孔裏即且置馬大師道自從胡亂後三十
年不曾少鹽醬又作麼生商量還委悉麼多
年曆日無人問驕地拈來愁殺人喝一喝復
舉巖頭參德山纔跨門便問是凡是聖山便
說九
喝頭便禮拜後有僧舉似洞山山云若不是
齋公也大難承當巖頭聞云洞山老漢不識
好惡錯下名言我當時一手擡一手搦師云
猛虎不識穿穿中身死蛟龍不怖劍劙下身

亡巖頭雖於虎窯中有透脫一路向劊刃上
有出身之機若子細檢點將來猶欠悟在只
今還有爲巖頭作主底麼出來與桌上座相
見良久喝一喝拍一拍云洎合停因長智

冬至秉拂豁開戶牖妙手畫難成當軒者誰
擡眸已蹉過不是心不是佛不是物不是禪
不是道三世諸佛說不及六代祖師傳不到
便恁麼去只是箇無孔鐵鎗直饒出得荆棘
林未免死於平地上所以道言無展事語不
投機承言者喪滯句者迷可中有箇出情塵

超物外不承言不滯句百草頭上薦得祖師
鬧市裏識得自己直下如龍得水似虎靠山
腳跟下正好朝打三千暮打八百何故我王
庫內無如是刀若是出格道流必不作這般
去就雖然如是盡法無民今夜放一線道與

三九

諸人相見舉起拂子云君子道長畫一畫云
小人道消滴水一滴凍節令不相饒狸奴白
牯鼻繩斷水底藏身被火燒擊禪牀一下復
舉本仁示衆云尋常不欲向聲前句後鼓弄
人家男女何故且聲不是聲色不是色有僧

問如何是聲不是聲仁云喚作色得麼僧云如何是色不是色仁云喚作聲得麼僧禮拜仁云且道爲你說答你話若人辯得許你有箇入處師云本仁將一穿雲居子換却天下

人眼睛却被這僧將一條斷貫索不動干戈穿却鼻孔後來舜老夫拈云本仁既已入草這僧又落深村然則陽春雪曲時人難和村歌社舞到處與人合得著師云舜老夫是則也是未免隨樓櫛秉拂上座不惜眉毛爲諸人說破聲不是聲色不是色馬後驢前神出

鬼沒雪曲陽春和不齊村歌社舞且混淆以拂子擊禪牀云這箇決定不是聲復舉起云這箇決定不是色且畢竟是箇甚麼喝一喝云此時若不究根源直待當來問彌勒

韓德全朝議請秉拂僧問達磨西來將何傳授師云不可總作野狐精見解進云如何是麤入細師云香水海裏一毛孔進云如何是細入麤師云一毛孔裏香水海進云和尚爲甚麼却顛倒師云從來有些子問三腳驢子弄蹄行時如何師云踢斷趙州略約子乃云

作麼作麼擊開無盡藏如是如是抹過太虛
空恁麼不恁麼直下便透猶是扶離摸壁立
地死人更擬進步向前如何若何正是外道
邪魔滅胡種族即今莫有吾家種草麼有則
說九
出來爲衆出氣如無更看塗灰抹土一上妙
四

性圓明離諸名相本來無有世界衆生因妄
有生因生有滅生滅名妄滅妄名真喝一喝
云釋迦老子當時若下得這一喝免得漏逗
復舉雪峯問僧近離甚處僧云覆船峯云生
死海未渡爲甚麼覆却船僧無語歸舉似覆
船船云何不道渠無生死僧再至雪峯峯再
舉前話問僧僧云渠無生死峯云此不是汝
生生從何來滅從何去若也見得徹去山河

大地萬象森羅四聖六凡情與無情不消一
捏便見冰銷瓦解到這裏也無禪也無道也
無心也無性也無玄也無妙露倮倮赤灑灑
沒可把便恁麼去更買草鞋行脚三十年也
未夢見衲僧氣息在且道衲僧有甚麼長處

良久云激電爍開頂門眼隔豁猿吽一聲寒
復舉雪峯問僧近離甚處僧云覆船峯云生
死海未渡爲甚麼覆却船僧無語歸舉似覆
船船云何不道渠無生死僧再至雪峯峯再
舉前話問僧僧云渠無生死峯云此不是汝

語僧云是覆船恁麼道峯云我有二十棒寄與覆船二十棒老僧自喫要且不干閻黎事說九師云作家宗師天然猶在雖然如是也是作賊人心虛是則不干這僧事二十棒何須自喫但更添二十棒只打覆船便了且道渠過五

在甚麼處老大大不合與人代語

歲節秉拂僧問舊歲已去新歲到來還有不涉新舊者也無師云有進云那箇是不涉新舊者師云諸佛菩薩畜生驢馬進云今夜小出大遇去也師云我已無端入荒草你又跳

入屎坑裏進云彼此不著便師云果然隨我來乃云百尺竿頭進一步甚麼處得這消息來萬仞峯前露一機墮在時人窠窟裏莫妄想放下著絕伎倆處便肯承當鼻孔索頭在我手裏所以南泉道牽牛向谿東放不免食佗國王水草牽牛向谿西放亦不免食他國王水草不如隨分納些些總不見得果上座隨分納些些去也良久云釋迦掩室於摩竭耕地種蒺藜淨名杜口於毗耶錮鎔著生鐵須菩提唱無說以顯道餽飯祭閑神釋梵絕

聽而兩華果有領受者直饒向上一路千聖
不傳硬糾糾活鱗鱗棒下無生忍臨機不見
師也是隔離抓痒總不恁麼落在無事界中
且作麼生通得箇機關應得箇時節去蓦拈
拄杖卓一下云還委悉麼差之毫釐墮失之千里
孟春猶寒終而復始釋迦老子是繫驢轍
一大藏教是破故紙如我按指海印發光汝
暫舉心塵勞先起超佛越祖之談未語已前
向諸人脚跟下蹉過了也畢竟如何毗婆尸
佛早留心直至如今不得妙又卓一下復舉

僧問鏡清新年頭還有佛法也無清云有僧
云如何是新年頭佛法清云元正啓祚萬物
咸新僧云謝師答話清云山僧今日失利又
僧問明教新年頭還有佛法也無教云無僧
云年年是好年日日是好日爲甚麼却無教
說九

云張公喫酒李公醉僧云老老大大龍頭蛇
尾教云山僧今日失利師云二尊宿一人向
高高峯頂立不露頂一人向深深海底行不
濕脚是則也是未免有些詭訛今夜或有人
問果上座新年頭還有佛法也無只向佗道

今日一隊奴僕在茶堂裏村歌社舞弄些神鬼直得點胷尊者惡發把鉢盂峯一擲擲過

恒河沙世界之外驚得喬陳如怕怖惶倒騎露柱跳入擔板禪和鼻孔裏撞倒舒州天柱峯安樂山神忍俊不禁出來攔胷擋住云尊者你既稱阿羅漢出三界二十五有塵勞超分段生死因甚麼有許多無明被這一問不勝憐懼却回佛殿裏第三位打坐依舊點胷點肋道天上天下唯我獨尊自云住住果上座佗問新年頭佛法為甚麼一向虛空裏

打筋斗說脫空謾人良久云果上座今夜失利

熊伯莊請秉拂諸法寂滅相不可以言宣釋迦老子在摩竭提國三七日內啓口無由達磨大師對梁武帝盡力提持只道得箇不識說九

若也一向坐却去盡大地更無一人發真歸源先聖幸有第二義門何妨於中通一線路所以道真如淨境界一泯未嘗存能隨染淨緣遂成十法界乃舉起拂子云這箇拂子與過去諸佛未來諸佛現在諸佛同一悲智同

一行願同一慈力同一眼觀同一耳聽同一
鼻覥同一舌嘗同一身觸同一意思隨宜說
法爲諸大菩薩說六波羅蜜令其各證無生
法忍爲聲聞緣覺說十二緣生四諦真理令
其各得八解六通證寂滅樂爲諸天衆說一
切諸行皆悉無常一切樂具悉皆衰謝令其
各得出離三界爲諸人衆說不昧因果法令
其各各修十善道永淨三業爲阿脩羅衆說
無我法令其捨離惱慢放逸安住忍地爲諸
地獄極苦衆生說罪性不在內外中間令其

一念頓超十地爲諸餓鬼傍生說永斷根本
無明法令其捨離饑渴熱惱生人天中拂子
如是隨宜說如是法一大藏教也不增一字
也不減一字諸人還信得及麼若信不及却
聽拂子重說偈言遂擊禪牀一下云是聖是
凡俱解脫巍巍三界獨稱尊復舉僧問睦州
經頭以字不成八字不是未審是甚麼字州
彈指一下云會麼僧云不會州云上來講讚
無限勝因蝦蟇勃跳上天蚯蚓驚過東海師
云這僧只問經頭一字睦州盡將善知衆藝

差別字輪以龍龕手鑑唐韻玉篇從頭註解
撒在這僧懷裏這僧也不妨奇特直下便肯
承當且道甚麼處是佗承當處聽取箇註脚說九
以字不成八字不是彈指未終普天市地擊
開四十二般若波羅密門參透華嚴會中善
知衆藝教內教外一時收世出世間皆周備
無邊罪咎如火銷冰無量勝義如恒沙聚更
有箇末後句堅牢庫藏永收藏總屬山前熊
伯莊

其理自彰且道即今是甚麼時節莫是坐底
坐立底立麼莫是春雨如膏春雲如鶴麼莫
是香煙苟市燈燭熒煌麼莫是僧俗交參同
會一處麼若恁麼只見一邊須知微塵諸佛
出世降王宮坐道場轉法輪降魔軍度衆生
入涅槃總不出這箇時節諸人若信得及無
邊刹境自佗不隔於毫端十世古今始終不
離於當念若信不及說老婆禪去也佛不遠
人即心而證獮猴弄鷄膠法無所著觸境皆
如枯椿繫癩馬不是心不是佛不是物渾家

送上渡頭船恁麼也得不恁麼也得恁
麼不恁麼總不得吐出野狐涎再服平胃散
可中有箇漢向未肩已前驕跳得出高高處
觀之不足低低處平之有餘可以高超三界
獨步大方可以截生死流據佛祖位便恁麼
說九
去止宿草庵且居門外何故不見古人道善
言言者言所不能言善迹迹者迹所不能迹
迹所不能迹無迹言所不能言無言既無言
又無迹雲門手中扇子勃跳上三十三天築
著帝釋鼻孔東海鯉魚打一棒雨似盆傾畢

竟是何宗旨喝一喝云山斷疑休去峯高又
起來復舉龍牙頌云一切名山到因脚辛苦
年深與韁著而今年老不能行手裏把箇破
木杓白雲端和尚云龍牙老人可謂熟處難
忘師云端和尚恁麼道大似以己方人果上
座即不然家貧難辦素食事忙不及草書

結夏秉拂聲前迢迢一路子黃面瞿曥不知
一句明明白草頭碧眼胡兒罔措鬧浩浩處
靜悄悄靜悄悄處鬧浩浩直下如王寶劍誰
敢當頭擬犯鋒鎚橫屍萬里更說甚麼似地

擎山不知山之孤峻如石舍王不知王之無
瑕更說甚麼香象渡河徹底截流而過更說
甚麼全明全暗雙放雙收須知恁麼來者寸
絲不掛恁麼去者堆山積嶽將錯就錯以大
圓覺爲我伽藍身心安居平等性智九十四
日和泥脫繫到這裏若有轉身一路則不守
自家活計豈遵先聖軌儀所以道全鋒敵聖
罕遇知音同死同生萬中無一且道同死同
生底是甚面目驕拈拄杖云趙州和尚來也
金佛不度鑑木佛不度火泥佛不度水卓一

下云百雜碎沒縫罅明眼衲僧盲聾瘡啞金
剛水際藏身非非想天走馬一即一切一切
即一盡大地是箇解脫門是人知有且道石
室行者蹋碓因甚麼忘却移脚良久喝一喝
復舉三聖道我逢人即出出則不爲人興化
道我逢人即不出出則便爲人真淨和尚云
說九這兩箇老古錐竊得臨濟些子活計各自分
疆列界氣衝宇宙使明眼人只得好笑師云
真淨老人大似欺誣亡沒果上座即不然豁
開三要三玄路坐斷須彌第一峯且道在三

聖分上耶在興化分上耶具眼者辯取

秉拂僧問古鏡未磨時如何師云火不待日而熱進云磨後如何師云風不待月而涼進云磨與未磨時如何師云交問不與萬法爲侶者是甚麼人待汝一口吸盡西江水即向汝道意作麼生師云釘釘膠黏乃云諸祖要妙非競辯而求激揚鏗鏘以摧異見所以德山入門便棒石火迸青天臨濟入門便喝早雷轟宇宙不是目前法亦非向上機恁麼不恁麼便跳得出正在葛藤窠裏合作麼生評

議合作麼生話會不可說大機大用大解脫

淨倮倮赤灑灑沒可把了便休還得也無不見風穴和尚道設使言前薦得猶是滯殼迷封縱饒句下精通未免觸塗狂見若是本色衲僧當下領略便能向聲色頭上坐聲色頭

說九

十

上臥文殊自文殊解脫自解脫泥我甚麼盜良久云驚羣須是英靈漢敵聖還他師子兒選佛若無如是眼假饒千載又奚爲以拂子擊禪牀一下復舉百丈再參馬祖侍立次祖豎起拂子丈云即此用離此用祖掛拂子於

舊處良久云你佗後開兩片皮將何爲人丈
取拂子豎起祖云即此用離此用丈亦掛拂
子於舊處祖便喝後黃檗到百丈一日辭欲
禮拜馬祖去丈云馬祖已遷化也檗云未審
馬祖有何言句丈遂舉再參因緣云我當時

疑其承嗣馬祖後因臨濟三度問佛法大意
三度打六十棒便與三日耳聾出氣臨濟始
覺如萬枝拂相似敢問大眾既是師承有據
因甚麼用處不同會麼曹谿波浪如相似無
限平人被陸沉

被馬祖一喝直得三日耳聾黃檗聞舉不覺
吐舌百丈云子已後莫承嗣馬祖否檗云不
然今日因師舉得見馬祖大機之用且不識
馬祖若嗣馬祖已後喪我兒孫師云百丈被
喝直得三日耳聾黃檗聞舉不覺吐舌百丈

施主看藏經請秉拂佛真法身猶若虛空應
物現形如水中月拈起拄杖云釋迦老子來
也在杲上座拄杖頭上現妙色身普告大眾
云毗盧藏中有大經卷量等三千大千世界
書寫三千大千世界中事悉盡無餘我以清

淨天眼觀彼大經卷在一微塵內今夜對人
天衆前設大方便破彼一塵出此經卷饒益
有情去也卓一下召大衆云一塵已破大經
卷已出有頗有漸有權有實有半有滿有中
有邊有理有事有果有因百千法門無量妙
義世出世間一切諸法盡在裏許諸人還信
說九
十二

拄杖拄杖穿過釋迦老子正當恁麼時是頗
耶是漸耶是權耶是實耶是半耶是滿耶是
中耶是邊耶是理耶是事耶是因耶是果耶
是釋迦老子耶是拄杖耶喝一喝云頗也不
可得漸也不可得權也不可得實也不可得
可得滿也不可得中也不可得邊也不可得
半也不可得滿也不可得中也不可得邊也不
可得理也不可得事也不可得因也不可得
得果也不可得釋迦老子也不可得拄杖也
不可得一塵亦不可得大經卷亦不可得現
今說法者亦不可得聽法者亦不可得只這

不可得亦不可得遂以拄杖畫一畫云畫斷
葛藤復舉起云正當恁麼時作麼生是各各
當人鼻孔良久云千聖不知何處去倚天長
計九 劍逼人寒復卓一下復舉昔有一婆子施財
請趙州和尚轉大藏經趙州下禪牀遶一帀
十三 千萬億市於婆子分上也只得半藏設使山
河大地森羅萬像若草若木各具廣長舌相
云轉藏已畢人回舉似婆子婆云比來請轉
一藏如何和尚只轉半藏師云衆中商量道
如何是那半藏或云垂遶一帀或彈指一下
或咳嗽一聲或喝一喝或拍一拍恁麼見解
只是不識羞若是那半藏莫道趙州更遶一

帀直饒百千萬億市於婆子分上只得半藏
設使更遶須彌山百千萬億市於婆子分上
亦只得半藏假饒天下老和尚亦如是遶百
千萬億市於婆子分上也只得半藏設使山
河大地森羅萬像若草若木各具廣長舌相
異口同音從今日轉到盡未來際於婆子分
上亦只得半藏諸人要識婆子麼良久云駕
鷲綉出從君看不把金針度與人
爲高菴悟和尚掛真拈真燈示衆云蓮華峯
頂真實說三塔歸來重泄機兩處路頭俱剔

脫刹塵無不盡光輝光輝則是人知有且道

高菴老人本來面目何在還委悉麼生佛未
具世界未形直是眉目分明十分顯露有人
向這裏識得便與此老把手共行不向幘子
上搏量名貌其或未然雲門不免隨例顛倒
去也遂展開云還見麼這箇若是則有兩箇
這箇若非常面蹉過不蹉過沒兩箇祖堂無
位次安排寢兀軒中且閑坐

雲居首座寮秉拂終

永樂北藏

大慧普覺禪師語錄

第一五六冊

室中機緣

師問僧巖頭纔跨德山門便問是凡是聖德
山便喝巖頭禮拜意作麼生僧云好箇消息
師云那裏是好處僧便喝師云你這一喝未
有主在出去三十六問僧不是心不是佛不是物

十四

你作麼生會僧云領師云領你屋裏七代先
靈僧便喝師云適來領而今喝干他不是心
不是佛不是物甚麼事僧無語師便打出

問僧路逢達道人不將語默對時如何僧珍
重便行師呵呵大笑次一僧入師云我適來

問這僧路逢達道人不將語點對時如何佗珍重便行你道佗會不會僧擬問訊師便打出問僧不與萬法爲侶者是甚麼人僧云無面目漢師云適來有箇師僧如此道了打出去也僧擬議師便打問僧國師三喚侍者意旨如何僧云魚行水濁師云莫屎沸僧無語師便打問僧馬大師道自從胡亂後三十年不曾少鹽醬意作麼生僧云隨家豐儉師云好箇隨家豐儉只是你不會僧擬議師便喝出僧請益云不知某甲死後向甚

麼處去師云你只今是生是死僧云生也不道死也不道師云這漸源奴僧擬議師便打出復問一僧適來這僧納一場敗闕你還知麼僧云知師亦打出問僧香嚴上樹話你作麼生會僧云好對春風唱鷓鴣十五師云虎頭上座出衆云樹上即不問未上樹請和尚道又作麼生僧云適來向和尚道了也師云好對春風唱鷄鵠是樹上語樹下語僧無對師便打問僧恁麼也不得不恁麼也不得恁麼不恁麼總不得作麼生僧云總得師云拋

却甜桃樹緣山摘醋梨 問僧你道禪還受
教也無僧云萬里一條鐵師云爭奈觀音院
裏有彌勒僧擬議師便打出 僧請益夾山
境話道聲未了師便喝僧茫然師云你問甚
麼僧擬舉師連打喝出 問僧道不用修但
莫汙染如何是不汙染底道僧云某甲不敢
道師云你爲甚麼不敢道僧云恐汙染師高
聲叫云行者將糞箕茗帚來僧茫然師便打
出 師纔見僧入便云不是出去僧便出師
云設量大人被語脈裏轉却次一僧入師亦

云不是出去僧却近前師云向你道不是更
近前覓箇甚麼便打出復一僧入云適來兩
僧不會和尚意師低頭噓一聲僧罔措師便
打云却是你會老僧意 問僧一切智智清
淨無二無二分無別無斷故你作麼生會僧
云一切智智清淨無二無二分無別無斷故
某甲只恁麼會師高聲云抱取貓兒來僧無
語師便喝出 問僧我前日有一問在你處
你先前日答我了也即今因甚麼瞌睡僧云
如是如是師云道甚麼僧云不是不是師連

打兩棒云一棒打你如是一棒打你不是

師纔見僧入便云諸佛菩薩畜生驢馬庭前
柏樹子麻三斤乾屎橛你是一枚無狀賊漢
僧云久知和尚有此機要詣九師云我已無端入

荒草是你屎臭氣也不知僧拂袖十六便出師云
若哉佛陀耶詣九師纔見僧入便云你不會出
去僧便出次一僧入師亦云你不會出去僧
亦出復一僧入師云適來兩箇上座一人解
收不解放一人解放不收你還辯得麼僧當
云一狀領過十六師云領過後別有甚麼好消息

僧拍手一下便出師云三十年後悟去在
問僧你名甚麼僧云法如十六師云僧堂佛殿如
否僧云如師云老僧被你勘破僧擬議師便
打十六問僧還記得話頭麼僧云不記得師云
你來這裏管甚麼事便打十六問僧五祖道趙
州狗子無佛性也勝貓兒十萬倍如何僧云
風行草偃師云你也不亂說却作麼生會僧
無語師云學語之流便打出十六師纔見僧入
便云釋迦老子來也僧近前師云元來不是
便打次一僧入師亦云釋迦老子來也僧當

面問訊便出師云却似真箇 問侍者云許
多人入室幾人道得著幾人道不著侍者云
某甲只管看師展手云我手何似佛手侍者
云天寒且請和尚通袖便行師隨後打一竹
箇云且道是賞你是罰你

說九

十一

室中機緣卷第九

音釋

齋

括鴟

女角

切

澑澑

澑戶

骨

切

分別

約

陟略

切略

約

渡水

餽

壞飯

也

揭

所鳩

切

楚鳩

切

揭手

揭也

肋

盧則

切

鷄

鷄

知

黏也

也

約

膠

膠

居肴

切齊也

罅

呼嫁

也

鑿

鑿

口莖

切鏘

七

轔

呼安

切羣

鑿

鑿

羊

切玉聲

也

轔

車聲

也

繒

畫

古絢

切

周而

也

永樂北藏

大慧普覺禪師語錄

第一五六冊